



UNIVERSITÄTS-
BIBLIOTHEK
PADERBORN

Universitätsbibliothek Paderborn

Antonii Bynaei de Calceis Hebraeorum Libri Duo

Bynaeus, Anthony

Dordraci, 1682

Lichtfoti rationibus fit satis.

urn:nbn:de:hbz:466:1-12835

ceamenti genus, in quod pes in-
tromittitur, prohiberet Discipu-
lis, alterum concederet. *Usus*
delicioris fuisse calceos, durioris at-
que utilioris Sandalia, ut pote cum

תַּיָּוָל שֶׁל עֹר מַלְּבָנִים calceus esset è corio Gloss. in
molliori, At שֶׁל עֹר קָשֶׁה Sandalium è corio duriori, adeoque
Christum interdixisse calceis ne mo-

rem delicatorem omnino saperent, no-

tavit quidem Johannes Lichtfotus: Licht. in
Eam vero rationem quis non videt Hor. Hebr.
esse ineptam. Quasi vero tantum ad Matth.
foret in calceamentis discrimen, ut 10. 10.

calceos cavos prohiberet Christus,
sandalia vero, quæ partem pedis
superiorem relinquerent nudam,
permitteret? Ita quidem interpre-
tati sunt antiqui in Ægypto Mo-
nachi, qui sandalia, velut à do-
mino permessa, gestabant, calceos,
velut interdictos, recusabant, de

quibus Cassianus: *Calceamenta vero*
velut interdicta Evangelico præcepto
recusantes, cum infirmitas corporis,
vel matutinus rigor, seu meridiani
æstus fervor exegerit, tantummodo
caligis suos muniunt pedes, interpre-
tautes usum earum vel dominica per-
missione signari, ut si in hoc mundo

constituti, cura & sollicitudine carnis
 hujus, omnimodis exuti esse non pos-
 sumus, nec ab ea penitus prævale-
 mus absolvi, saltem occupatione levi,
 & implicatione tenui necessitatem cor-
 poris explicemus. Sed hæc frigida
 sane est ratio, Monachorum acu-
 mine ut dignissima, ita Christo
 Domino omnino indigna. Æque
 parum me movet, quod de discrimi-
 ne inter *ἰστροδνῆαλς* & *συνδάλια* ex
 scholis Judaicis se observasse putas
 vir doctus. Notat ex Jevamoth:
 Extractio calcei (Leviri, Deut. 25.
 9.) recta est. Sandalii, si adsit ei
 calx, recta est; sin minus, non recta.
 At quis nescit ibi magistros loqui
 de suis temporibus. Longe post
 Christi tempora conscriptum esse
 Talmudicum corpus nemo igno-
 rat, qua tempestate jam præter
 sandalia in usu erant calcei cavi.
 Unde etiam invaluerat extractio
 in causa leviri, vel calcei, vel
 sandalii, qui mos originem dedit
 disquisitioni Rabbiniæ. Sed
 olim non nisi sandalio leviri ex-
 calceationem factam ex loco alte-
 ro, quem adducit, apparet. Est
 in eo distinctio calcei & sandalii,

EX

Jevam.
 cap. 12.
 Hal. 1.

ex usu videlicet posteriorum temporum. Quod vero legimus: *Et tamen ut plurimum usitatum est extrahere sandalium, & consuetudo valet contra traditionem*, maxime nostram confirmat opinionem, veteres Hebræos non nisi soleas sive sandalia gestasse. Invaluerat usus, ut calceos cavos haberent Judæi, extractio tamen calcei in causa leviri sandalio peragebatur. Scilicet Judæi, patriorum morum tenacissimi, cum non nisi soleas veteres gestassent, & in calcei extractione soleis essent usi, noluerunt relinquere avitam consuetudinem, cum calceorum usus adhuc recens esset. Ut nihil officiat nostræ sententiæ, quæ de discrimine *πάν ὑποδήματα* & *συνδάλια* viri doctissimi notarunt, cum id nullum sit in scriptis Evangelicis, ubi Christus non *ὑποδήματα* sed *δύο ὑποδήματα* prohibet, h. e. par aliud quam quod gestabant, & *συνδάλια* permittit, ea videlicet quæ in pedibus habebant, qua ratione, uti quisque videt, optime Matthæus cum Marco conciliatur.